

Biser 34

JU Osnovna škola

“Behaudin Selmanović”



Sarajevo, juni 2024.

Sadržaj

Najljepša čestítka domovní
Literarní i likovní radoví

Talentí

Posjeta kínu

Posjeta muzeju

Škola u prirodí

Škola plívanja

Dan ružičastih majica

Projektí i posjete nastavníka

Ekskurzíja učenika IX razreda

Takmičenje učenika

Tabela takmičenja

Dan jabuke

Oglední čas

Geografskí kutak

Izdavač

Uredník: Edína Žugor – Šalaka

Tehnički urednik: Šeherzada Tahić Zahirović

Nastavníci saradníci: Sanela Dučić, Emíra Tucaković, Ermína Hubíjar-Muslić, Nevresa Podrug, Enísa Kanlić, Elvíra Imamović, Hajrija Velić, Elvedín Mehic, Havka Ahmetović Velić, Edína žugor – Šalaka, Izeta Rahić, Muhamed Pjevo, Semína Vileš – Šípo, Aída Hadžić, Mensur Kopić, Nermín Imamović, Elvíra Karasoftić, Jasmina Gujić, Elvíra Uglješa.

**U našem "Bíseru" – ponovo bíserí.
Još jedna školska godina íza nas, níz
aktívnosti, rezultata, posjeta, uspomena.**

**Izdvojili smo samo ísječke íz svih
dešavanja, zabilježili, uokvirili.**

**Dragí čítaoci,
na ovim stranicama su djelíci školskog
života koje čuvamo od zaborava jer samo
zapísano ostaje, podsjeća, traje i priča.**



Najljepša čestítka domovíní

Zemljo moja, svilena mahramo brdovitog Balkana, ti si ponos Evrope pa i cijelog svijeta. Vezena si stoljećima, a vez još nije završen, pa niko ne zna kad će biti. Na njoj boje žitnih polja, modrih, plavih i zelenih rijeka, boje bijelog krša Hercegovine, šarenih planina i zelenih ravnica. Ti nikada ne spavaš, a nisi snena. Oči su ti razigrane planine što igraju kolo bosansko, a iznad njih je nebeski svod prepun zvijezda koje i danju trepere. Pružila si pletenice niz Drinu, Unu, Sanu, Plivu i Neretvu, koje kriju mnoge tajne, a na obalama ostale nedovrštene priče. Lice tvoje toplo sunce koje nikad ne zalazi. Grudi su ti prepune gurabija i rahat-lokuma. Danju blistaš u svom šarenilu, dok noću tiho plaćeš i nikom ne daš da vidi tvoje suze. Skrivaš ih negdje u bunaru duše. Potok ode u jezera, a krupne suze prave čilibar, stalaktite i stalagmite. Prošla si kroz tešku prošlost, noseći sa sobom teške nezacijeljive rane. Uprkos svemu tome nikad nisi klonula, niti si svoj umor pokazala. U tebi mladost leprša i nećeš nikad ostarjeti. Svoje zlatno ruho čuvaš u sehari dok si niske bisera prosula po cijelom svijetu. Domovino, mahramo Balkana, mudro čuvaš svoje ruho i niko ne zna šta u njemu skrivaš. Mnogi su ga tražili, ali uzalud, pa zato ti i ne spavaš. Mnogo puta si u ranama bila. Stare rane ne zarastu, a na njih druge dođu. Na sve to si navikla i uvijek si spremna, ne daš snu da te odnese. Ruke su ti blagi povjetarac, a u njima buket ljiljana, svjedok tvoga postojanja. Mahramo, jaka li si, a svoj ponos pokazuješ kroz šare stoljećima.. Ni od čega nemaš straha, duša dječija. Domovino, mahramo Balkana, uvijek voljena budi, a mladost nek nikada ne prođe. Uvijek ću biti u tvom mekanom krilu, među najljepšim ružama. Domovino, proljeće i jutro moje duše.

Mela Pašić IX-1

ČISTAČ OBUĆE

Na uglu prometne ulice, dok sunce polako zalazi, a grad prelazi u sumrak, stari čistač obuće postavlja svoju drvenu stolicu, baš kao što se kralj smješta na prijestolje. Njegove ruke su znalački i nježno pozicionirane nad njegovim alatom - raznolikim četkama različitih oblika i veličina, svaka kao čarobna čarobnica koja čeka da ispriča svoju priču.

Njegova kabina je poput svete prostorije gdje se obuća preobražava. Miris kože i paste za cipele ispunjava zrak. Prva cipela koja dolazi u njegove ruke je stara i prašnjava, skrivena priča koja čeka da bude ispričana. On je kustos tih priča, proučava svaku površinu, svaku ogrebotinu, kao arheolog koji otkriva drevne tajne.

Njegove četke se kreću poput čarobnih pera, kao da svaka ima svoju priču. Svaka četka je mala alhemija dok pretvara prašnjave cipele u blistave dragulje. Dok radi, on usklađuje svoj ritam s prirodom, poput majstora koji vodi orkestar.

S dolaskom noći, grad se pretvara u svoje vlastito kazalište. Svetla bljeskaju poput pozornice, a čistač obuće ostaje na svom tronu, radeći svoj posao sa strašću i posvećenošću. Cipele se transformiraju pod njegovim rukama, poput princeza koje su pronašle svog viteza u sjajnom oklopu.

A čistač obuće je više od običnog majstora. On je poput terapeuta koji sluša priče ljudi dok radi, pružajući im utjehu i razumijevanje. Njegova stolica postaje sveti konfesional gdje ljudi otvaraju svoje srce.

Kroz ovu priču o čistaču obuće otkrivamo da njegov posao nije samo fizičko čišćenje cipela, već i umjetnost i usluga ljudima. On čisti ne samo cipele, već i duše onih koji prolaze kroz njegovu stolicu. Njegova strast, nježnost i posvećenost čine ga nevidljivim herojem grada, osobom koja čini svijet elegantnijim, korak po korak.

Esma Selimović VII-1



ŠALA

Svaki zimski raspust rado provodim kod djeda koji je uvijek nasmijan i raspoložen. Dedo je već pet godina u penziji, živi u maloj kući i obrađuje vrt. Potpuno je sijede kose, vedriji je od neba bez oblaka i sretniji od svakog djeteta. Mnogo volim slušati njegove priče o prošlim vremenima i diviti se njegovim godinama koje nisu odnijele njegov vedar duh.

Jedne prilike je meni i ostalim unucima ispričao doživljaj koji mu je posebno ostao u sjećanju. Bilo je to dok je dedo bio dječak naših godina. On i njegovi drugovi su bili veoma nestošni i upadali su u razne nevolje. Blizu kuće u kojoj je dedo živio nalazio se stari mlin u kojem se mljelo žito i pretvaralo u brašno. Jednom su dedo i njegovi drugovi išli do mlina i shvatili da je lisica zadavila nekoliko kokoški. Prilikom bježanja ostala joj je jedna na rijeci na kamenu, ali je bila mrtva. Dječaci su došli na ideju da je izvuku iz vode i skuhaju, čak su joj dali ime Šarka. Poslije su razmišljali da li je smiju pojesti, pa su ipak dio pojeli, a ostatak mesa su odnijeli svojim majkama. To je trebalo biti smiješno, ali kada su one otkrile šta su pojele, dječaci su se morali sakriti u šumu na nekoliko dana.

Nikada neću zaboraviti djedove velike krupne oči, zelene kao livada u rano ljeto, prepune suza dok se sjećao i pričao nam. Slušajući o njegovim dogodovštinama, shvatili smo da je njegovo srce plemenito, puno iskrenih savjeta i da je njegov smisao za humor još kao i prije kada nam je rekao da je to sve bila šala. Njegove su šale još uvijek smiješne, a mudrost neprocjenjiva. Dok me grlio na rastanku, zima se pretvorila u ljeto, vjetar je postao lagani povjetarac i obuzeo me neopisiv osjećaj sreće, sigurnosti i zaštićenosti.

Vrata proljeća



Korak po korak, ulazim u tajni vrt proljeća, gdje se svjetlost razlijeva u nježnim potezima sunčevih zraka. Vrata proljeća širom otvorena, dočekuju me s mirisom svježe zemlje i cvijetnog neba. Na trenutak zastajem, osluškujem oko sebe gdje ptice šapuće pozdrave, a vjetar nježno pleše s granama drveća, najavljujući mir i ulazak u carstvo koje se budi iz zimskog sna.

Kad sam zaronila u proljetnu bajku, pred mojim očima širila se raskoš cvijetnih polja i želja za novim avanturama i beskrajnim putovanjem. Latica po latica, svaki cvijet postaje minijaturno remek-djelo, poput dragulja na zelenom platnu, a mirisni valovi lavande i jorgovana ulijevaju se u zrak, stvarajući melodiju atmosferu. Šapat vjetra i cvrkut ptica postaju slova u knjizi koju priroda piše, a njihov ritam postaje srce ovog proljetnog čuda. Drveće je poput čuvara tajni, nježno ih šapuće vjetru. Cvjetovi se povijaju pod milovanjem sunčevih zraka, kao da pružaju nježan poljubac prirodi koja se budi iz dubokog sna, kao mali plišani medvjed koji jedva čeka da slatke ručice obgrle njegovo srce. U tom trenutku proljeće postaje umjetničko djelo u kojem svaki element ima svoju ulogu, a svaka pahulja na drvetu postaje pjesnik snova.

Dok koračam prema izlazu iz ove bajke, nosim sa sobom uspomene na oazu proljetne ljepote. Zvuk koraka polako bliјedi, a miris cvjetnih vrtova postaje moj suvenir. Odlazim sa osmijehom, obećavajući sebi povratak kad vrata proljeća ponovo odluče otvoriti svoje tajanstvene staze.

Emela Smajić VII-1

PROSJAK

Ispred tržnog centra dedo svakodnevno provodi najmanje deset sati, tražeći milost od prolaznika.

Na hladnom pločniku neumorno sjedi, a ispod njega je samo komad kartona. Ispružena mu je samo jedna noga, a druge nema. S obje strane štakе utoчule u dubok san. Šake vire ispod istrošenog, oronulog kaputa, a prsti iskrivljeni od teškog rada. Pogurena leđa pokazuju duboku starost, a ramena prate šištanje iz njegovih pluća. Oblak tuge je prelio njegovo lice. Crvenilo leprša na njegovom nosu, dok svaka bora ima svoje mjesto. Ispod kape vire pramenovi kose, koji prekrivaju preumorne oči. Oči boje plavog neba pričaju priču umornog starca. Ponekad bi poželjele da utoчu u san, ali ne mogu jer priča još nije ispričana.

Mnogo oholih i ledenih ljudi je prošlo pored njega, na koje je bacio svoj teški uzdah i oronuli pogled. Mnogo puta blago diže svoju glavu, hvatajući nadu da će mu neko prići i spustiti milost pred njega. Dedo hrabro čeka i ne odustaje. Okreće se tamo-amo jer se čekanju bliži kraj. Iznenada pored njega prođe nepoznati čovjek i poigra se sa čudnim pitanjima. Dedo ostade u čudu. Teški uzdah istrča iz njegove duše. Plavetnilo iz očiju se pretvori u potoke koji liju niz njegovo lice.

Miris i toplota se spusti na dedino krilo. Ispred njega zaigra kolo sreće. Blage ruke nepoznatog stranca uzeše djedove staracke ruke, te ga blago podiže sa pločnika. Tihi šapat prohuja kroz djedove uši:

“Ti si sada moja obaveza.”

Dobri čovjek ga smjesti u svoje auto i tako dedo nastavi plovidbu ka boljem životu.

Ramazanska priča

I na njoj kazah sve što mjesecima ležaše na mojim
njedrima... Sedžda...

Kada akšam nad šeherom pada, kad se svjetla po
mahali pale i sofra za večeru sprema, duša zna da
mjesec je taj.

I akšam klanjah slušajuć' imama i glas njegov topli,
godinama trošen, a uvijek isti, opojan i mio. Vraćajući
se kući osjetih vjetar, ali ne tako uobičajen... Njegovi
nježni izdasi češljali su grane probeharalog drveća,
pratio me u svakom koraku ka mom hamamu. I
zamirisa sve- na ljepotu ramazana, na mirise nenine
kuhinje, na sve ono što je od nas bilo čuvano dugo
vremena u sehari okovanoj saburom. I udoh u kuću, a
kad tamo za sinijom svi bijahu i odvanjahu glasnim
šapatom riječi dede moga - „Bismillahir -Rahmanir -
Rahim“. U tom momentu srce mi zaplaka radošću.

Sjedoh za siniju, a moja nena me pogleda svojim
plavim umornim očima, osmijehnu se i reče nježnim

glasom- „Nur...“. Svi smo je pogledali začuđeno, a
nedugo poslije shvatismo o čemu je govorila. Nur...

Svjetlost i toplina na licima našim su odsijavali kao
svaki dragi kamen svijeta ovog. Ljepota tih riječi prati
me svaki dan k'o sjenka vječita... Sevdalinka u daljini
pjeva, svak' joj se veseli. A na kraju noći te, stadoh na
pendžer i gledah u mjesec opojni taj. Ah, taj mjesec... i
duša zna da je on tu, a šta će kad ode? Ostaćemo
samo ja i moja sjećanja u toj sehari punoj ljepote i
sabura.

Sajra Fazlić VIII-1

Pjesnici su čuđenje u svijetu

Pjesnici su čuđenje u svijetu – pjesnike rijetko ko razumije, njihova duša ispunjena je riječima, maštom koju niko nikada neće dostignuti, oni maštaju o raznim stvarima. Sanjaju nemoguće, a pišu moguće... Njihove ruke, umorne ruke koje žele pobjeći, ali njihove misli im ne daju otići kroz gvozdena vrata slobode.

Maksumić Adna VIII-1

Stećak

Stećak... ne priča... godinama miruje, vijekovima posmatra vječito. Kapija tajni njegova njedra su, a srž istine njegova zidina je. Nošen vijekovima, talasima kroz priče razne, pa tako se nađe i u Kulenovićevu. Vrijeme samo svjedok nek mi bude da on riječi mudrosti zauvijek nosi. Prost i ponosan u Bosni se nađe, da priču njenu pod istim nebom dijele, da ljepotu njegovu pustim vjetrom nosi, sa zvijezdama brojnim da svijetli u samoći.

Šukalo Robel, VIII-1

Majka

Majka je jedna i jedina, zamijenit je ne može niko, Za mene na svijetu najbolja jer ima srce veliko. Kada se smijem i ona se smije, a kada sam bolesna, nada mnom bdije. Prijatelj i drug najbolji – Jer... ko će k'o majka da voli. Njen topli zagrljaj k'o sunce me grije, a u njenom krilu meni najtoplije. Za mene ima osmijeh i kad je tužna i umorna. Takva je moja majka. Tu je za mene kada mi treba i mojim se uspjesima raduje do neba. Ponos ću biti, sreća i nada tvoja. Volim te, jedina moja.

Perjan Hana, VI-2

Jesen

Jesen je bojama svojim Okupala šume i polja. Zlatnim, toplim sjajem
Protkana je i duša moja. Zlatne drveća krošnje, Uvehlo smeđe lišće i
sunca slabiji žar Najavljuju tužan dan. Tuga i sjeta za danova Koji se
vratiti neće, Tek će proljetne laste U život unijeti sreće. Radujemo se
proleću, Početku novog života, Kada se priroda budi I u njoj sva ljepota.

Oglečevac Ema, VIII-2

Mojoj Bosni i Hercegoviní

Probudih se pod zastavom bosanskom, ogrnuta mojom kulturom,
običajima, porijeklom. Prve riječi jezika moje domovine nisam razumjela
jer sam bila mala, ali su te divne riječi bile moj mir i toplina, moja
sigurnost. Znala sam da pripadam ovdje, mojoj zemlji, Bosni i
Hercegovini. Moj jezik je kao zagrljaj majke i njenih umilnih ruku, u
kojima sam kao maslačak na laganom povjetarcu. Sam pomen moje
zemlje i mog jezika kao da pjeva jutarnju pjesmu slavu u hladu lišća.

Nježna sevdalinka svakom insanu budi ponos na jezik kojim su
izgovorene najljepše riječi, jezik koji u sebi posebnu svjetlost nosi. Zvuci
harmonike pletu se u riječi, riječi u stihove, stihovi u strofe. Strofe u
knjige, a one u zbirku uspomena. Miris kafe što se sa čeifom ispija,
posebni ljudi, posebne riječi. Zaškripi u sjećanju i nanina sehara, puna
uspomena iz zavičaja u kojem je odrasla, stekla prijatelje. Svima nama
Drina kroz vene teče, snagu nam daje narod koji je svoju krv liš za spas
domovine, srce nam lupa ritmom najljepšeg bosanskog kola, jezikom
izgovaramo najnježnije riječi. Sve me to ponekad u davnu uspomenu
vrati ... opet sam mala djevojčica na jastuku bešike, uzdrhtalog srca, kad
su mi roditelji prvi put objasnili riječi – domovina i maternji jezik.

Čavčić Lemmana, VI-1

Ljubavna pjesma

Zar opet bisere iz očiju da pustim, da komadiće ranjenog srca
sastavljam, da masku sreće na licu nosim? Zar moram da gledam te
svaki dan, a znam – nisi moj i nećeš biti. Zar opet bolo od ljubavne
strijele da trpim, tužna tebe sretnog da gledam? Onu, koja te najviše
voljela, povrijedio si, uništio joj snove, a čekaš da oprost ti da.

Zuban Lajla, VIII-2.

Danas me nije prepoznala

Danas me nije prepoznala... Nazvala me nekim drugim imenom, a ja
sam joj odgovorio kao da baš ništa nije pogriješila. Nastavio sam
pričati s njom kao da je sve uredu, kao da nam starost ne pokušava
ukrasti zajedničke trenutke, ali priznajem... nije mi bilo svejedno.
Predložio sam joj da čitamo moj roman. Kad sam pročitao nekoliko
stranica, upitao sam je: "Znaš li ti ko je ovo napisao?" Ona je, uz
osmijeh, odgovorila: "Pa, ti!" Sva ponosna. Ponovo je znala ko sam.
Ipak sam upitao: "Ko sam ja tebi?" "Moj unuk", odgovorila je. I istina je.
Ima tih dana kada me ne prepozna. Ali danas, kao i sve ostale dane,
prepoznao sam ja nju. I kada joj starost ukrade moje ime, njenoj duši
ja poklanjam još više ljubavi. A po toj ljubavi me uvijek pamti...

Terović Tarik, VI-3



Vedad Ćurovac V-1



Lejla Sarač V-1




Amna Bajrić V-1



Lejla Sarač V-1



Lejla Sarač V-1



Farah Lošić V-1

Písmo majcí

Svaka mama je posebna i divna na svoj način, ali za mene je moja najbolja na svijetu.

Ona djeluje hladno i strogo, ali zapravo nije takva. Ima veoma toplo i meko srce i mnogo, mnogo je emotivna.

Prema meni je i stroga i blaga. Zahtijeva od mene da budem poslušna i pristojn, te zbog toga ponekad znam da za moj prekršaj slijedi kazna. Međutim, u većini slučajeva je blaga i nasmijana i trudi se da od svakog djelića mog života napravi bajku i učini me sretnom zbog čega sam joj mnogo zahvalna.

Pokušat ću kroz pismo prenijeti malu skupinu razloga moje zahvalnosti. Draga mama, hvala ti... Nabrojat ću nekoliko sitnica na kojima sam ti zahvalna iako, sigurna sam, postoji i milion velikih razloga za koje ti dugujem zahvalnost!

Hvala ti što si me čuvala ispod srca, ne baš svih devet mjeseci, već samo 35 sedmica jer, kako kaže, meni se malo žurilo. Hvala ti što si strpljivo čekala cijeli mjesec dana kraj inkubatora da dođem kući i da mi oblačiš haljinice koje si za mene posebno, s mnogo ljubavi i nježnosti, birala.

Hvala ti i za sve što si me do sada naučila. Hvala ti za mnoge bajke koje si mi pred spavanje čitala, za ukrašavanje rođendanskih torti baš po mojoj želji, za pravljenje kolača svakog vikenda i za svaki odlazak u park svakog ljetnog popodneva... Za svako slovo, priču, pjesmu, objašnjenje - hvala ti!

Hvala za sve neprospavane noći i suze prolivene zbog mene, hvala za zajednička plakanja, smijanja, igranja, gledanje filmova, učenje i hvala za puno podrške koju mi svakodnevno pružaš.

Mama, znaj da si najbolja mama na svijetu i da te puno volim.

Tvoja Nadira!

Moć snova

Ponekada dospijem u neki novi svijet koji liči na šarenim cvjetima.
U njemu sam ja glavni lik i sve je onako kako ja kažem da će bit.

Građen je od mojih najdražih boja, nema tuge i bola, i onog
čovjeka što svaku bajku uništiti mora.

U tom svijetu čarolija itekako postoji i sve što zamisliš ispred
tebe stoji.

U njemu si slobodan kao ptica i uvijek nasmijanog lica.
Hodaš po dugi i skačeš po oblacima, a iza tebe juri zvijezda
padalica.

Ako i ti želiš doći na ovo mjesto, samo zatvorи oči i koristi mnogo
mašte.

Tvoj voz za mašograd uskoro stiže.

Nejra Ćato VIII-2



Lunah Vrabac V-1

Emina Čamđić V-1

Bosni

Zemljo blistava

U srcu Balkana, blistava zemlja stara,
Bosna i Hercegovina, biser neizmjerna sjaja.

Od Drine do Neretve, od Une do Save,
Svaka čestica tla priča svoje priče.

Na brdima i dolinama, miris cvijeta,

Pjesma se ori, kao vjetar što puše preko svijeta.

Mostovi kameni, spajaju prošlost i sadašnjost,
Dok sunce obasjava svaki njen kutak, a raduje se svaki gost.

Od Sarajeva do Jajca, od Trebinja do Banja Luke,
Svaka priča, svaka pjesma, kao zvijezda u tami muke.

Bosno i Hercegovino, ponosna si i jaka,
Tvoja ljepota vječna, u srcima tvojih djevojčica i dječaka.

Ćosić Edina, IX-1

Otac

U mom srcu, kao stijena čvrsta,

Stojiš ti, oče moj, tvrdnja nepokolebljiva i prva.

Tvoja snaga, mudrost, kao svjetionik u noći,
Kroz oluje života, tvoja ljubav kao zaklon neizmjerno topli.

U tvojim očima vidim ponos, vidim ljubav,

Tvoje ruke, radne i snažne, nosile su teret i breme.

Kroz svaki izazov, kroz svaku tminu puta, vrijeme.

Ti si bio uz mene, kao stijena nepromjenjiva, podrška.

Tvoj osmijeh, kao sunce u zoru,

Tvoj glas, kao melodija što srce okreće prema dobru.

Moj heroj, moj uzor, moja snaga u svakom životnom
problemu.

Ćosić Edina, IX-1

Jedina moja

U noći tame, kad se na nebu samo jedna zvijezda vidi,
Ti si moja zvijezda što na nebu sja,
Kroz tamu ti put mi osvijetliš sjajem,
Majko draga, ti si moje svjetlo blago.

Tvoj smijeh je zumbul što širi miris svoj,
U svijetu oko nas, tvoja ljubav cvatom širi poj
Kroz dane i godine, ti si moj vjerni cvijet,
Majko draga, u tvome naručju svijet mi je cvjetao.

S tobom sam dijelila sve radosti i боли,
Tvoja snaga me grli, nosi i budi,
U srcu mome zauvijek si duboko,
Jedina si, jedina koja bezuslovno voli..

Lajla Zuban VIII-2

Domovína

Domovina moja spoj realnosti i
snova, zlatnih polja kao sunčev sjaj
gdje duša pronalazi spokoj i smiraj.

U topli zagrljaj primila me ti si,
nikada šamarala me nisi

Ponad zlatnih žitnica tvojih,
žnjeli su preci moji.

Stećci što obiluju bostanima domovine moje
bez riječi zbore priče, tvrđnje, svoje.

To je domovina moja, sveta zemlja roda moga
i oca i djeda i pradjeda!

Ajnur Ibišević VIII-3

Suza

Suze je zaista umjetničko djelo.
Kao kapljice rose u rano jutro,
Suze radosti blistaju poput bisera,
Svjetlucajući na licima sretnih ljudi.

Suze tuge teške kao olovo,
Kad bol i gubitak zavladaju dušom,
One padaju poput kiše u tišini,
Oplakujući izgubljene snove i nade.

Suze ljubavi nose snagu neizmjernu,
Iskazujući osjećaje koji se ne mogu riječima reći,
Duboki okean osjećaja i emocija,
Svjetlost koja osvjetljava tamu i vodi nas naprijed,
Ka trajnoj sreći i beskrajnom sjaju.

Lamija Omerović IX-1



Hena Ušanović VII-2

Moj grad jednog popodneva

Moj grad jednog popodneva
Ode jutro, a za njim i podne,
sunce svoje kose splelo,
a biser obuče novo odijelo.

Miljacka žubori, ali žmuri,
brzo trči sestri Bosni,
želi put da skrati,
hoće seji da na konak svrati.

Ulice i mostovi nisu sami,
sve je isto ko i lani,
neko trči, neko sporo korača,
sve mi liči na korpu kolača.



Kuckaju kazandžije isto kao prije,
zvekeću čekići ko da sunce grijе.
Miris hrane zove te da dođeš,
kroz Čaršiju ti moraš da prođeš.

Parkovi su puni male raje,
šta je život bez njihove graje?

Golubovi okolo Sebilja
nikad ne slijeću na grane,
već od prolaznika očekuju hrane.
Grad korača, ruke pruža svima,
ne da da u njemu vlada tmina.

Grumen sreće na tvom licu blista,
duša tvoja kao izvor čista.
Igman tebe blago gleda,
Sarajevo svoje nikom ne da.



Postidio sam se

Bio je raspust. Taj dan Sunce nije bilo toliko jako, pa sam odlučio pozvati drugare vani. Ulica u kojoj živim nalazi se u naselju te nismo imali puno izbora šta da se igramo. Željeli smo da se zabavimo. Moj drug je predložio da igramo fudbal. Naravno, odmah smo se složili sa njegovom idejom. Ipak je to ono što najviše volimo. Znali smo da nemamo dovoljno prostora i da su svuda okolo kuće. Dogovorili smo se da ćemo biti oprezni kako ne bismo napravili nekome štetu. Male golove smo obilježili flašicama za vodu i započeli igru. Igrali smo se i smijali da smo zaboravili na vrijeme. Već je skoro pao mrak. Kada smo krenuli kući, ja sam jako udario loptu i pogodio prozor kuće. Samo sam čuo prasak stakla. Komšinica je odmah istrčala i vidjela šta se desilo. Vikala je na nas. Nisam imao snage niti da se izvinim. U tom trenutku nisam znao da li više osjećam stid ili strah. Dok sam hodao prema kući, nisam mogao prestati razmišljati o tome što se dogodilo.


Posramio sam se svog postupka i brinuo šta ako se roditelji razočaraju u mene. Kada sam došao kući i rekao roditeljima istinu imali su razumijevanja. Babo je rekao da će popraviti staklo. Roditelji su mi rekli da svi griješe te da je važno da iz naših grešaka naučimo nešto.

Huseinbašić Onur IV-1

Talenti

Mela Pašić, odlična, svestrana učenica IX razreda naše škole bila je poseban gost književnice Saide Škapur na promociji njene knjige „Ferid i Halima”, održane 22.05.2024. godine. Melin pjesnički talentat autorica je prepoznala na promociji Zbornika radova učenika naše škole. Književnica je predložila da se Melina pjesma „Moj grad jednog popodneva”, nađe u ovom djelu. Ponosna Mela se predstavila prisutnima čitanjem stihova na promociji.

Mela Pašić je i u sportu izvrstan ambasador naše škole. Osvojila je ogroman broj medalja u karateu, stajla na pobjedničkom postolju na Balkanskom prvenstvu, državnim prvenstvima, prvakinja Sarajeva i pobjednica mnogih drugih velikih karate turnira, takođe je i vrsna atletičarka. U atletskim utrkama redovno je na pobjedničkom postolju. Ove godine je osvajala je i prva i druga i treća mesta na atletskim takmičenjima.



POSJETA KINU CINESTAR



U utorak, 24.10.2023. učenici 6. razreda naše škole u pratnji razrednika Hajrije Velić, Aide Hadžić i Mensura Kopića posjetili su kino Cinestar i gledali film Indiana Jones i artefakt sudbine.



Posjeta Kínu Noví Grad IV I V razred – film "Gulíverov povratak"

U petak, 15.12.2023.godine učenici IV i V razreda naše škole su u pratnji svojih učiteljica i bibliotekarke Enese Erović- Muhamedović posjetili su Kino Novi Grad. Učenici su uživali u filmu "Guliverov povratak". U ovom filmu, svjetski putnik i avanturist Guliver, glavni lik iz svjetskog klasika Jonathana Swifta, biva pozvan da se vrati u Liliput gdje kralj vidjevši da je običan čovjek, a ne div kakvog su očekivali naređuje njegovo pogubljenje. Guliver nije bio div po veličini, ali je bio div po srcu i hrabrosti koji je spasio malu zemlju Liliput od moćne vojske.

Odlaskom u kino potičemo ljubav prema filmu i filmskoj umjetnosti, usvajamo navike dobrog i kulturnog ponašanja, njegujemo i čuvamo drugarstvo.



POSJETA MUZEJU OPTIČKIH ILUZIJA U SARAJEVU



Dana 4.12. 2023. godine učenici 6-1 razreda u pratnji razrednice posjetili su Muzej optičkih iluzija u Sarajevu. Također u pratnji razrednica s njima su išli drugari iz 9-2 i 9-3 razreda i to drugari koji su bili veoma aktivni u školskom projektu Recikliraj-doniraj.

Razrednice Amra Mizdrak,
Šeherzada Tahić Zahirović i Aida
Hadžić.



MUZEJ RATNOG DJETINJSTVA

13.5.2024.godine učenici IV razreda naše škole su u pratnji učiteljica Podrug Nevrese, Hubijar-Muslić Ermine i Kanlić Enise posjetili Muzej ratnog djetinjstva, jedini muzej na svijetu koji se bavi iskustvima odrastanja na koja su uticali ratni sukobi. U sklopu posjete učenici su u grupama imali radionice koje su organizovali koordinatori muzeja, a gdje su učenici aktivno učestvovali i iznosili svoje stavove i mišljenja na određenu temu. U sklopu posjete obišli su i staru jezgru grada, Baščaršiju i uživali u lijepom vremenu. .

Aktiv IV razreda



ŠKOLA U PRIRODI ZA UČENIKE IV RAZREDA

U periodu od 23.10. do 25.10.2023. godine realizovana je Škola u prirodi za učenike IV razreda Osnovne škole „Behaudin Selmanović“. Učenici četvrtog razreda naše škole (šezdeset jedan učenik) u pratnji učiteljica Podrug Nevrese, Kanlić Enise, Hubijar-Muslić Ermine i bibliotekarke Erović-Mulahmetović Enese boravili u hotelu "Pahuljica" na Vlašiću.

U ponedjeljak 23.11.2023. god. u 9 i 30 sati smo krenuli iz Sarajeva, uz kratak odmor u Travniku, na Vlašić smo došli kako smo i planirali prije ručka.

Tokom boravka na Vlašiću vrijeme je bilo vema ugodno pa smo dane iskoristili za duge šetnje i rekreativnu posjetu zoo vrtu, kao i za proširivanje znanja o biljnom i životinjskom svijetu i orientaciji u prirodi, na planini.

Uživali smo u prelijepim prizorima crnogorične šume na obroncima Vlašića, učili o pravljenju vlašićkog sira, o stadima ovaca i psu tornjaku, udisali čist planinski zrak.

Učenici su uživali u raznim sportskim aktivnostima.

U povratku smo posjetili Travnik (Travničku tvrđavu, Šarenu džamiju i muzej "Rodna kuća Ive Andrića").

Puni prelijepih utisaka i bogatiji za nova iskustva koja su zajedno doživjela djeca nisu krila oduševljenje i želju da sve opet ponove. Učenici su se sretni i zadovoljni vratili svojim kućama.

Tokom Škole u prirodi veoma uspješno je realizovana i vannastavna aktivnost - radionica "Izazovi selektivnog odlaganja otpada, smanjimo naš ekološki otisak"

Drugog dana boravka posjetio nas je direktor škole Selimir Fehratović i kratko uživao u druženju s nama.

U poslijepodnevnim satima (oko 17 sati) smo doputovali u Sarajevo gdje su nas dočekali direktor škole i roditelji koji su preuzeли djecu.

Sve je prošlo u najboljem redu, od putovanja, smještaja, hrane i boravka bez povreda i toga da se ni jedno dijete nije bilo bolesno.



Škola plivanja za učenike IV razreda



I ove školske godine za učenike IV razreda u organizaciji Ministarstva za odgoj i obrazovanje Kantona Sarajevo organizovana je škola plivanja na Olimpijskom bazenu Otoka.

Škola plivanja za učenike naše škole realizovana je u periodu od 20.11.-24.11.2023. godine.

Školu plivanja je pohađalo ukupno 60 učenika IV-1, IV-2 i IV-3 odjeljenja

Trajala ukupno pet radnih dana, po dva sata dnevno u terminu od 9,00-11,00 i 11,00-13,00 sati.

Raznovrsni su razlozi zbog kojih treba djecu uključiti u treninge plivanja i aktivnosti u vodi.

Zahvaljujući plivanju djeca postaju zdravija, otpornija i snažnija od drugih. Plivanjem utičemo na pravilan razvoj i pravilno držanje tijela. Aktiviranjem mišića pozitivno utičemo na rad centralnog nervnog sistema koji opet zadužen za dobro pamćenje i učenje.

Učenici naše škole imali su priliku da uz pomoć profesionalnih trenera plivanja savladaju osnovne tehnike i vještine plivanja. Učenici su pokazali veliko zanimanje i interes za ovakav oblik rada.

Svi učenici su u skladu sa svojim mogućnostima savladali osnove tehnike i vještine plivanja.

U pratnji učenika išle su njihove učiteljice: Hubijar-Muslić Ermina, Podrug Nevresa i Kanlić Enisa.



„DAN RUŽIČASTIH MAJICA”

„Međunarodni dan borbe protiv vršnjačkog nasilja“ - „Dan ružičastih majica“ u IV razredu

Međunarodni dan borbe protiv vršnjačkog nasilja obilježava se od 2007. godine kada je dječak u Kanadi bio izložen vršnjačkom nasilju jer je u školu došao u ružičastoj majici kao znak podrške svojoj majci koja je oboljela od karcinoma dojke. Vršnjaci su ismijavali, psihički i fizički zlostavljavali tog dječaka koji je obukao ružičastu majicu.

Sutradan, svi dječaci i djevojčice iste škole, obukli su ružičaste majice u znak solidarnosti prema zlostavljanom dječaku.

U Bosni i Hercegovini obilježavanje ovog dana je počelo 2016.godine.



Kao i proteklih godina i ove godine učenici Osnovne škole "Behaudin Selmanović" zajedno sa svojim učiteljima, nastavnicima su na svoj način dali doprinos ovom Međunarodnom danu ružičastih majica kroz različite aktivnosti - igru, pjesmu, radionice, sportske igre , predavanja, izradom panoa, plakata,...



Učenici IV-1, IV-2 i IV-3 odjeljenja sa učiteljicama, pod ovogodišnjim sloganom "NASILJE PRESTAJE OVDJE", su tokom februara na časovima odjeljenjske zajednice , tjelesnog i zdravstvenog odgoja i vannastavnih aktivnosti dali svoj doprinos borbi protiv vršnjačkog nasilja kroz prezentacije, izradu panoa, glumu i recitovanje, kreativne i poučne radionice, spotske igre .

Zajedničkim snagama,prijateljstvom i ljubavlju kazali su da nasilje nije rješenje. Razgovor, empatija i razumijevanje su ključni za rješavanje sukoba. Kroz pjesmu, ples, crteže i razgovor razvijali smo svijest o tome da je drugarstvo, međusobno pomaganje i uzajamna ljubav nešto najljepše, a da nasilje nije hrabrost već kukavičluk i osobina slabih dječaka i djevojčica.

Aktiv IV razreda: Hubijar-Muslić Ermina, Podrug Nevresa i Kanlić Enisa



OBILJEŽAVANJE DANA BORBE PROTIV VRŠNJAČKOG NASILJA

MEĐUNARODNI DAN PREVENCIJE VRŠNJAČKOG NASILJA (Pink shirt day) U periodu od 2.2.2024. godine do 28.2.2024. godine u našoj školi se kontinuirano radilo na prevenciji vršnjačkog nasilja.

Učenici 6-1 razreda su na časovima odjeljenske zajednice proveli određene aktivnosti prilagođene njihovom uzrastu, a sve sa ciljem obilježavanja Dana borbe protiv vršnjačkog nasilja. Kreativne radionice, izrada panoa i prezentacija bili su propraćeni simboličnom pjesmom Nasilje nije hrabrost. Dana 28.2.2024.godine razrednica i učenici oblačenjem majica ružičaste boje poslali su jasnu poruku da ne podržavaju nasilje među vršnjacima.

**NOSITELJI REALIZACIJE AKTIVNOSTI: AIDA HADŽIĆ,
NASTAVNICA KULTURE ŽIVLJENJA I TEHNIČKOG ODGOJA**



MOJA KOSA-TVOJA KOSA

Projekat Moja kosa-tvoja kosa podrazumijeva je šišanje nefarbane, netretirane kose, dužine 30 cm, te doniranje iste Udruženju Srce za djecu oboljelu od raka. Od donirane kose se izrađuju prirodne kose i daju na korištenje (potpuno besplatno) djeci koja su privremeno ili trajno pretrpjela gubitak kose.

Ciljevi projekta su podizanje svijesti o problemima sa kojima se suočavaju djeca oboljela od raka, razvijanje empatije i saosjećanja prema drugom i drugačijem.

Sam projekt je imao par faza. Prva faza je bila da upoznamo učenike naše škole sa samim projektom i okvirnim terminom realizacije istog. Drugi korak je bio dogovor sa prošlogodišnjom frizerkom Elmom Oruč, koja ima ugovor sa Udruženjem. Treći korak je bio određivanje tačnog termina i obavještenje učenika preko službene facebook stranice škole i razrednih starješina. Četvrti korak, ali ujedno i najljepši je bila organizacija šišanja i doniranja kose u prostorijama naše škole.

Projekat je realizovan 15.2.2024. godine, a sam termin je pomno odabran, jer se baš na taj dan obilježava Međunarodni dan djece oboljele od raka, tako smo realizacijom ovog projekta direktno podržali obilježavanje ovog značajnog datuma.

Naših sedam učenica: Zehra Ljubičić, Ajša Gluščević, Nedžla Tatlić, Ajša Perjan, Edna Sirbubalo, Nadyne Trle i Kanita Kuko, donirale su kosu i na taj način pomogle da se barem na tren vrate osmijesi i uljepšaju dječija lica.

Ponosni smo na naše djevojčice, ovogodišnje i prošlogodišnje donatore. Posebna zahvala ide roditeljima naših učenica, direktoru, učiteljicama, razrednicima i kolektivu škole, koji su prepoznali važnost i značaj učešća u jednom humanom djelu.


Projekat su realizovale nastavnica Aida Hadžić i socijalna radnica Amela Muftić Arapović, frizerka frizerskog salona „KF“ Elma Oruč.

Nositelji realizacije projekta: Aida Hadžić, nastavnica kulture življenja i tehničkog odgoja
Amela Muftić Arapović, socijalna radnica





Zehra Ljubičić I-1



Ajša Gluščević II-2

Nedžla Tatlić III-2



Nadyne Trle VI-2

Edna Sirbubalo VI-2



Kanita Kuko VII-1

MOJA KOSA-TVOJA KOSA

POKLON KAO PODRŠKA

Posjeta sigurnoj
kući



Uposlenice i uposlenici JU OŠ "Behaudin Selmanović" mjesec mart su iskoristili za solidarnost, empatiju i činjenje dobrih djela. U sklopu redovne aktivnosti obilježavanja Međunarodnog dana žena, Aida Hadžić, nastavnica i Amela Muftić – Arapović, socijalna radnica škole pokrenule su humanitarnu akciju prikupljanja higijenskih potrepština i kozmetike koje se bile namjenjene korisnicama Sigurne kuće.

Naša vrijedne volonterke – učenice: Lemmana Čavčić, Nedžla Huseinbašić, Hena Turčalo i Lamia Vehabović su s ljubavlju izdvojile svoje vrijeme i dale značajan doprinos u realizaciji humanitarne akcije, pakovanje i dekorisanje paketića za djevojke i žene Sigurne kuće.

Zahvalni smo menadžerici Sigurne kuće, Muberi Hodžić Lemeš na ugodnom gostoprimstvu naših uposlenica Aide Hadžić, nastavnice i Amele Muftić – Arapović, socijalne radnice, kao i prilici da naše ustanove razmjene mišljenja, iskustva i ideje za nastavak buduće saradnje.

Hvala svima koji su prepoznali značaj ove humanitarne akcije.

Projekat su realizovale nastavnica Aida Hadžić i socijalna radnica Amela Muftić Arapović.

Realizacija projekta "Volim Bosnu i Hercegovinu"

U našoj školi od mjeseca oktobra 2023. godine realizuje se projekt "Volim Bosnu i Hercegovinu". Učešće u projektu je uzeo veliki broj učenika VII, VIII i IX razreda. Projekat je završen u ponedjeljak 26.2.2024. godine finalnim kviz takmičenjem. U finalu su se takmičile 4 najbolje ekipe:

Ekipa "Bosanski vitezovi" (Učenici: Sanin Pribišić, Salih Gušić, Bakir Ferić) VIII1

Ekipa "Sarajke" (Učenici: Amina Glušević, Alma Durmišević, Lamija Sarač) VIII1

Ekipa "Zmajevi" (Učenici: Zeba Lamija, Gušić Hana, Barimac Edin) VIII2

Ekipa "Zlatni ljljani" (Učenici: Čubro Amina, Đozo Ilma, Begić Zajko) IX2

Čestitke pobjednicima, ekipi "Zlatni ljljani" IX2. Naši učenici su pokazali kako se znanjem voli Bosna i Hercegovina. Uručene su diplome učenicima koji su ostvarili najbolje rezultate na literarnom i likovnom konkursu „Najljepša čestitka domovini”.

Literarni radovi:

3. mjesto-Terović Tarik VI3

3. mjesto-Oglečevac Ema VIII2

2. mjesto-Perjan Hana VI2

2. mjesto-Trnka Merjem VIII1

1. mjesto-Pašić Mela IX1

Likovni radovi:

3. mjesto-Sakić Amna VI1

2. mjesto-Ušanović Hena VII2

1. mjesto-Selimović Esma VII1

Čestitke i svim učenicima koji su pronašli vrijeme i motiv da domovini čestitaju Dan nezavisnosti kroz likovni i literarni rad.

Veliko hvala svim učenicima i kolegama na pomoći u realizaciji projekta, a posebno članovima Historijske sekcije, Geografske sekcije i sekcija Šaren svijet III1 i III2, kao i našim roditeljima i sponzorima koji su svojim doprinosom podržali realizaciju projekta.

OSBS VOLI BOSNU I HERCEGOVINU!

Preostaje još realizacija izleta kao završni dio cijelokupnog projekta, koji će se ralizirati pod motom "Upoznaj domovinu da bi je još više volio".

Posebno hvala upućujemo općini Novi Grad i godpođi Selmi Serdarević, kao pokrovitelju putovanja.

Tim projekta: Nermin Imamović, Elvira Imamović i Semina Vileš-Šipo.

NA KRILIMA RIJEČI KROZ

IT ČE KROZ POLJANE MASTI



BAŠČARŠIJA, SJAJ SARAJEVA

U subotu, 14.10.2023. godine, učenici naše škole, članovi sekcije

Šareni svijet III1, Geografske sekcije i Historijske sekcije, su učestvovali u pripremi za realizaciju projekta „Baščaršija, sjaj Sarajeva“. Učenici su posjetili Baščaršiju, upoznali se sa ulicama, zanatima i značajnim arhitektonskim ostvarenjima. Sve pohvale za dostojanstveno ponašanje naših učenika.



Voditelji projekta: Semina Vileš-Šipo , Elvira Imamović, Nermin Imamović

Volim Bosnu i Hercegovinu – izlet u Tuzlu




U utorak, 21. 5. 2024. godine, u okviru projekta Volim Bosnu i Hercegovinu je realizovan izlet u Tuzlu. 62 učenika u pratnji nastavnika Imamović Nermina, Vileš-Šipo Semine, Muharemović Mirsada, Pintol Emine i Imamović Elvire su obišli Kapiju - mjesto zločina nad tuzlanskom mladost, spomenik kralju Tvrtku I., tuzlansku čaršiju, memorijalni spomen kompleks Slana Banja, muzej sa geološkom postavkom na Panonskim jezerima. Učenici su bili počašćeni ručkom i slatko-slanim paketićima. Kao i uvijek naši učenici su se istakli dostojanstvenim ponašanjem.

OSBS voli Bosnu i Hercegovinu!
Ponosni na učenike OSBS!



EKSKURZIJA UČENIKA IX RAZREDA



Ekskurzija za učenike devetog razreda naše škole održana je u terminu 8.5. -11.5. 2024.godine. 51 učenik iz tri odjeljenja , u pratnji razrednica i direktora su u 8 :00 sati ujutro krenuli na dugo iščekivano, najposebnije četverodnevno putovanje .

Prvi i zadnji dan proputovali smo Hercegovinu, posjetivši kulturno-historijske znamenitosti južnog dijela naše domovine, istovremeno uživajući u bogatstvu prirodnih ljepota . Bili smo u posjetu muzeju " Bitka za ranjenike na Neretvi "u Jablanici, prešli preko veličanstvenog Starog mosta u Mostaru , vidjeli Blagaj i rijeku Bunu, obišli živopisni Počitelj , uživali na Kravicomama , diveći se ljepoti tamošnjih vodopada . Dva dana boravili u Hrvatskoj , smješteni u Sportskom centru Bossina u Zaostrogu . Putovali na cijelodnevne izlete u Split i Makarsku , uživajući u morskom zraku i suncu, upoznali se sa znamenitostima ova dva grada.Dioklecianova palača u Splitu I Malakološki muzej školjki u Makarskoj ostavili su najjači utisak na sve nas.

Osim edukacijskog dijela , ekskurzija je obilovala i zabavom . Bilo je tu puno pjesme, muzike, plesa i sportskih aktivnosti .


Izvanredan tim putničke agencije Biss -Tours pomogao je da putovanje protekne bez organizacijskih problema . Kulturno, dostojanstveno , uljudno ponašanje naših učenika , poštivanje pravila i dogovora , uvažavanje nastavnica , direktora i ostalog osoblja učinilo je ekskurziju uspješnom, vrijednom pamćenja .

Zdravi ,zadovoljni , puni lijepih utisaka vratili su se kući svi učesnici ekskurzije.



TAKMIČENJA

IZVJEŠTAJ SA TAKMIČENJA IZ ENGLESKOG JEZIKA



Sajra Fazlić i Danin Imamović, učenici osmog razreda , te Ahmed Čamdžić , učenik IX razreda naše škole ostvarili su veliki uspjeh na Regionalnom takmičenju iz engleskog jezika „Stars of English” ,održanom 13.4. 2024. godine u Richmond Park International School u Sarajevu. Takmičenju je prisustvovalo više od 350 učenika iz 29 škola iz Sarajeva,Konjica, Zenice, Goražda, Gornjeg Vakufa, itd...

Učenici su se takmičili u 4 kategorije : Spelling Bee, Persuasive Speaking, English World Cup , Short Movie. Prvo mjesto ,u kategoriji Persusive Speaking za osmi razred , osvojila je Sajra Fazlić, dok je Danin Imamović osvojio treće mjesto u kategoriji Spelling Bee.

Ahmed Čamdžić , učenik devetog razreda je osvojio četvrto mjesto u kategoriji English Worl Cup.

I ostali učenici naše škole : Emin Jakupović, Esma kadrić, Edina Ćosić, Džana Muhić, Emre Zlatić, Salih Gušić i ostvarili su zavidne rezultate u kategorijama u kojima su se takmičili.

Mentor svim učenicima je bila nastavnica engleskog jezika Izeta Rahić.



OPĆINSKO TAKMIČENJE IZ PRUŽANJA PRVE POMOĆI



U subotu, 20.4.2024.godine u prostorijama naše škole održano je 26.Općinsko takmičenje iz pružanja prve pomoći. U konkurenciji 15 osnovnih škola, ekipa naše škole je osvojila 3. mjesto. Članovi ekipe su:

OGLEČEVAC EMA, 8-2

FEHRIĆ AMNA 7-2

ZUKO FARAH 7-2

MUSLIĆ RIJALDA 7-2

UŠANOVIC HENA 7-2


KIŠIĆ DŽANA 8-2

Ekipu je pripremala nastavnica biologije Hajrija Velić



DAN GRADA SARAJEVA

Šahovski turnir-Kralj i kraljica OSBS



U subotu, 6.aprila 2024. godine, u prostorijama naše škole održan je šahovski turnir povodom 6. aprila-Dan grada Sarajeva. Turnir je imao radni naslov „Kralj i kraljica OSBS“.

Na turniru su ostvareni sljedeći rezultati:

Kategorija djevojčice:

1. mjesto-kraljica OSBS-Vehabović Lamia VI1
2. mjesto-prva dama OSBS-Huseinbašić Nedžla VI1
3. mjesto-princeza OSBS-Selimović Merjem IV1

Kategorija dječaci:

1. mjesto-kralj OSBS-Durmo Muhammed VI1
2. mjesto-princ OSBS-Čarković Daris V2
3. mjesto-prvi vitez OSBS-Jakupović Emin VIII3


Posebna nagrada je dodijeljena „mladom plemiću šahisti“ Rahman Dženanu

II3

Voditelj sekcije: Nermin Imamović



DEBATNO TAKMIČENJE IZ ENGLESKOG JEZIKA



U OŠ“ Mehmed Handžić“ na Ilijadi ,
22.05.2024. godine ,održano je
ovogodišnje debatno takmičenje iz
engleskog jezika za učenike VIII i IX
razreda sarajevskih osnovnih škola.


Prvo mjesto je osvojio tim učenika
VIII-1 razreda naše škole, u sastavu:
Sajra Fazlić, Robel Šukalo , Merjem
Trnka i Adna Maksumić.

Učenike je za debatu pripremala
nastavnica engleskog jezika Izeta
Rahić.



KANTONALNO POJEDINAČNO TAKMIČENJE IZ ATLETIKE VIII RAZREDA

Postani ATLETA



22.05.2024. godine na kantonalm pojedinačnom takmičenju iz atletike za VIII razrede u organizaciji AK Novi

Grad u sportskom centru Safet

Zajko naši učenici osvojili su 5 medalja u disciplinama:

Lajla Zuban 1. mjesto u bacanju kugle

Dalal Husić 2. mjesto u 200m

Hana Gušić 2. mjestou skok u dalj

Tarik Bećirović 2. mjesto u skok u dalj

Emre Zlatić 3. mjesto u bacanju kugle



OPĆINSKOG TAKMIČENJA IZ ATLETETIKE



Dana 14.05.2024. godine održano je općinsko takmičenje iz Atletike na atletskom poligonu Koševo. Učenici naše škole uzeli učešće na ovom takmičenju gdje su zauzeli prvo mjesto u ekipnom plasmanu. Pored ekipnog prvog mesta naši učenici su zauzeli i sljedeća mjesta u pojedinačnim disciplinama:

1. mjesto Čaušević Nađa u disciplini 600 m.
2. mjesto Pašić Mela u disciplini 60 m.
2. mjesto Bećirević Tarik u disciplini Skok u dalj
3. mjesto Topalović Adna u disciplini skok u dalj
3. mjesto Husić Dalal u disciplini 300 m.
3. mjesto Zuban Lajla u disciplini bacanje kugle
2. mjesto u štafeti 4x100 m. djevojčice, Maksumić Adna, Zuko Farah, Husić Dalal i Pašić Mela.
2. mjesto u štafeti 4x100 m. dječaci, Muslić Denin, Rahman Anel, Lilić Faris i Memišević Daris.

Pored učenika koji su osvojili prva tri mesta treba pohvaliti i učenike koji su nastupali u drugim disciplinama gdje su doprinijeli osvajanju prvog mesta, a to su: Gušić Hana, Džananović Emina, Muminović Maida, Topalović Asia, Zlatić Emre, Murtić Imran, Podrug Bakir, Prašović Benjamin, Curić Ammar i Pribišić Sanin.





TAKMIČENJA I POSTIGNUĆA UČENIKA U ŠKOLSKOJ 2023/2024. GODINI

OPĆINSKO TAKMIČENJE

PLASMAN	PREZIME I IME UČENIKA	PREZIME I IME NASTAVNIKA	NAZIV TAKMIČENJA
1.mjesto	EKIPNI PLASMAN	Kopić Mensur	Atletski kup
2. mjesto	EKIPNI PLASMAN	Kopić Mensur	Postani ATLETA
1.mjesto	Čaušević Nađa	Kopić Mensur	trčanje na 600 metara
1.mjesto	Đananović Emina	Kopić Mensur	Trčanje na 200 metara
1.mjesto	Bećirević Tarik	Kopić Mensur	skok u dalj
1.mjesto	Maksumić Adna	Kopić Mensur	trčanje na 60 metara
1.mjesto	Zlatić Emre	Kopić Mensur	Bacanje kugle
2.mjesto	Gušić Hana	Kopić Mensur	skok u dalj
2.mjesto	Muminović Maida	Kopić Mensur	Bacanje kugle
2.mjesto	Velić Arman	Kopić Mensur	trčanje na 60 metara
2.mjesto	Bećirević Tarik	Kopić Mensur	skok u dalj
2.mjesto	Pašić Nela	Kopić Mensur	trčanje na 60 metara
2.mjesto	Maksumić Adna, Zuko Farah, Husić Dalal, Pašić Mela	Kopić Mensur	Atletski kup – štafeta 4x100 metara
2.mjesto	Muslić Denin, Rahman Anel, Lilić Faris, Memišević Daris	Kopić Mensur	Atletski kup – štafeta 4x100 metara
3.mjesto	EKIPNI PLASMAN	Velić Hajrija	Prva pomoć

3.mjesto	Topalović Adna	Kopić Mensur	skok u dalj
3.mjesto	Husić Dalal	Kopić Mensur	trčanje na 300 metara
3.mjesto	Zuban Lajla	Kopić Mensur	Bacanje kugle
3.mjesto	Šabanović Ilhana	Kopić Mensur	skok u dalj
3.mjesto	Husić Dalal	Kopić Mensur	trčanje na 60 metara
3.mjesto	Curić Ammar	Kopić Mensur	Postani atleta – skok u dalj

Kantonalno takmičenje

PLASMAN	PREZIME I IME UČENIKA	PREZIME I IME NASTAVNIKA	NAZIV TAKMIČENJA
3.mjesto	Pašić Mela	Kopić Mensur	Atletika-trčanje na 60 metara
3.mjesto	Farah Zuko	Kopić Mensur	Atletika-trčanje na 60 metara
1.mjesto	Lajla Zuban	Kopić Mensur	Bacanje kugle
2.mjesto	Dalal Husić	Kopić Mensur	Atletika- trčanje na 200 metara
2.mjesto	Hana Gušić	Kopić Mensur	Skok u dalj
2.mjesto	Tarik Bećirović	Kopić Menaur	Skok u dalj
3.mjesto	Emre Zlatić	Kopić Mensur	Bacanje kugle
1.mjesto	Sajra Fazlić, Meriem Trnka, Adna Maksumić, Robel Šukalo	Izeta Rahić	Debata

Regionalno takmičenje

PLASMAN	PREZIME I IME UČENIKA	PREZIME I IME NASTAVNIKA	NAZIV TAKMIČENJA
1.mjesto	Fazlić Sajra	Rahić Izeta	„Stars of English“
3.mjesto	Imamović Danin	Rahić Izeta	„Stars of English“
4.mjesto	Čamđić Ahmed	Rahić Izeta	„Stars of English“

DAN JABUKE



Članovi ekološke sekcije naše škole zajedno sa nastavnicom biologije Hajrijom Velić su i ove godine obilježili Dan jabuke.

Kao i svaki put do sada Dan jabuke smo obilježili u saradnji sa roditeljima.

Koristimo blagodati prirode i sjetimo se poznate izreke:
"Jedna jabuka na dan, tjera doktora iz kuće van"



OGLEDNI ČAS



U četvrtak, 23.5. 2024. god. su učiteljice Elvira Uglješa, Jasmina Gujić i Elvira Karasoftić sa učenicima II 1, II 2 i II 3 odjeljenja održale ogledni čas na kojem je prikazana završnica Projektne nastave na temu "Proljeće". Bio je to lijep, interesantan i kvalitetan čas. Djeca su kroz kviz, igru i pjesmu pokazala rezultate istraživanja iz oblasti znanja, ali i vještina i sposobnosti. Na času su bili prisutni direktor i pomoćnik direktora škole, pedagogica, te nastavnice razredne i predmetne nastave.





Geografski kutak

Japodska ostrva na rijeci Uni

Japodska ostrva se nalaze na rijeci Uni u blizini Bihaća, a sastoje se od nekoliko malih, ali izuzetno atraktivnih ostrva. Japodska ostrva predstavljaju kulturno-arheološki prostor, smještena u naselju Račić kod Bihaća. Ova prelijepa mesta pružaju savršen bijeg od gradske vreve i stresa, uz nezaboravne pejzaže, prirodne ljepote i mirnu atmosferu.

Ostrva su dobila ime po Japodima, prvobitnim stanovnicima ovog područja, koji su se naselili na ovim prostorima pre više od 2.000 godina.

Japodi su bili jedno od ilirskih plemena koja su u antičko doba naseljavala prostore zapadne Bosne i Hercegovine, srednje i sjeverne Hrvatske. Poznati su po svojoj hrabrosti i ratničkim vještinama i često su se borili protiv rimskih osvajača. Jezik kojim su govorili pripadao je ilirskoj grani indoevropske jezičke porodice. Danas se o kulturi Japoda može saznati kroz arheološke nalaze i antičke zapise.

Japodi su naseljavali područje grada Bihaća, posebno naselja Ripač i Račić.

Na ovim prostorima pronađeni su brojni ostaci iz rimskog perioda, što ukazuje na značaj ovog kraja u to vrijeme.

Ostrva se mogu posjetiti tokom cijele godine, a najbolje vrijeme za posjetu je proljeće i ljeto kada se priroda budi u svom punom sjaju. Posjetiocima su na raspolaganju razne aktivnosti, uključujući ribolov, planinarenje i vožnju kajakom, a osim toga turisti mogu istražiti bogatu kulturu i historiju Bihaća i okoline.

Uz sve ljepote koje nude Japodska ostrva, posebno oduševljenje i doživljaj stvara smještaj koji se tamo nudi. Kućica na drvetu koja će nas vratiti u djetinjstvo i bajke u kojima smo tada uživali. Osim toga, tu su pravi luksuzni drveni bungalovi, koji će dodati komfor u boravak, a može se ponijeti i sopstveni šator. Može se spavati i u apartmanima ili vikendicama.

Japodska ostrva idealan su izbor za porodični, romantični, ali i odmor s društvom. Djeca se tamo mogu zabavljati u raznim igrama poput fudbala, badmintona ili pravljenja kula u pijesku. Odraslima će rafting ili kanu safari na Uni i ostale rječne avanture poslužiti kao dobra sportsko-adrenalinska kombinacija za teambuilding.

Ovaj skup ostrva, koji se sastoji od pet glavnih i nekoliko manjih ostrva, nalazi se u donjem toku prelijepе rijeke Une, blizu granice sa Hrvatskom.

Ako se pogleda iz zraka, ovih pet rječnih ada koje čine Japodska ostrva, stvaraju jedan oblik koji možda najbolje opisuje ovo mjesto i sve njegove lepote.

Jedno veliko srce – srce prirode.

Japodska ostrva predstavljaju savršenstvo prirode u svakom svom obliku.





Osnovna škola "Behaudin Selmanović"
Viteška 6,
71000 Sarajevo,
Bosna i Hercegovina